

րին Գ սահաթ նստաք. Իզվիդայից մեծաւորն եկն առ մեզ» (թղ. 229բ)։ — Նոյ. 12. «Մեք զՅունաց պատրիարզի գերն յղեցաք կարգալ ընդ Կովիսաւին, եւ քիչ մի գրեր էր ի նորա թխթէն հայերէն» (անդ)։ — Դեկտ. 1. «Զրուց շատ էանց վասն Երուսաղէմի ընդ Սրապիոնին և Կովիսաւին և Երեմիային (Սահապայար)» (թղ. 230ա)։ — Դեկտ. 7. «Եղիայի փեսա էրէցն և Կովիսաւ երեցն ազմուկ վասն պսակի» (անդ)։ — 1699 Փետր. 22. «Տեր Կովիսաւն տկարացեալ ի տիւլալթուն» (թղ. 232ա)։

Մինաս Ամդեցի, որ 1695 Ապրիլ 4ին մեկնած էր Երուսաղէմէն ու ցամաքային ուղևորութեամբ գացած էր Էջմրածին, 1698 Հոկտ. 24ին կը դառնայ Կ. Պոլիս։ Երուսաղէմէն իր բացակայութեան ատեն Կայծակ մականնուանեալ Գալուստ վրդ. ձեռք կ'անցընէ Ս. Աթոռի առաջնորդութիւնը ու իր տեղ Պալատցի Յակոբ վարդապետը փոխանորդ կը զրկէ Երուսաղէմ։ Մինաս Ամդեցի Գալուստ վարդապետը ձգելու և իր իշխանութիւնը վերահաստատել տալու համար երկու անգամ (1698 Դեկտ. 23 և 1699 Յուլիս 12) կ'երթայ Ազրիանուպոլիս ու կը ներկայանայ մեծ եպարքոսի ատեանը։ Անգամ մըն ալ՝ 1699 Մարտ 4ին՝ Ազրիանուպոլիս երթալու համար ճամբայ կ'ելլէ Կ. Պոլսէն՝ իրեն ուղեկից առնելով նաև Տէր Կոմիտասը, ինչպէս կը գրէ. «Ելի Ստամպոլու՝ Կովիսաւն եւ արեղան եւ երկու փոքրաւոր եւ թումասն՝ եւ եկաք ի Փոքր Չէքմէճէն» (թղ. 232բ)։ Ճամբան կը շարունակէ ու հանդիպելով Մեծ Չէքմէճէ և Սիլիվրի՝ Մարտ 6ին կը հասնի Զօրլու։ Ամդեցի հոն իմանալով թէ Գալուստ վրդ. չի գտնուիր Ազրիանուպոլիս՝ չորրորդ օրը այն տեղէն ետ կը դառնայ Կ. Պոլիս։ Զօրլուէն Տէր Կոմիտասի ձեռամբ նամակ մը կը գրէ Յունաց պատրիարքին. «Զգիր պատրիարզին Յունաց հայերէն գրեց